

貴溪縣志卷二十七

祥異

休徵咎徵並紀見於洪範史家因之歷歷可攷已我朝超軼前代不侈祥瑞偶遇偏灾

發帑賑濟化沴為和薰蒸且遍海寓焉所以一產數男五世同堂壽登百歲者有司歲以

上聞皆瑞應也例得並著於篇志祥異

明

宏治八年乙卯縣廳柱產靈芝知縣姚明有一點仁心黎度悅滿堂和氣瑞芝生之

句

貴溪縣志

卷二十七

祥異

一

嘉靖元年壬午文廟柱上產芝數本有雲氣護之前志載秋鄉試

楊育秀等十二人獲雋按是科中式楊係禮記魁畢竟恭名次在後前志以畢冠誤

四十三年甲子儒學廳前東邊桂樹產芝以上俱舊志

國朝

康熙五十一年壬辰大有年

雍正八年庚戌大有年

乾隆六年辛酉大有年

三十五年至三十七年雨暘時若三載豐登

四十五年夏雨暘時若大有年以上俱舊志

唐

元和七年夏五月饒撫虔吉信五州暴雨書豫章

宋

景德四年信州饑

建中靖國元年信州旱

隆興四年秋七月信州水以上俱書豫章

隆興四年以饒信二州建寧府饑民嘯聚遣官措置賑濟

宋史

六年夏五月大水豫章書

九年夏五月信州水圯民居壞田圩

淳熙十年秋八月信州水

貴溪縣志

卷二十七

祥異

二

慶元六年信州大水自庚午至甲戌毀廬害稼

嘉定元年夏五月信州大水以上俱書豫章

景定四年癸亥發米三萬石賑衢信饑宋史

德祐元年五月甲午信州饑宋史

元

元統元年五月信州地震

至元五年信州雨土以上俱書豫章

十一年十月貴溪雨黍民取食之綱目

明

永樂三年乙酉大雨溪流暴漲泛濫通衢浮苴棲於木末

瀕河之民湮沒者無算舊郡志

九年辛卯螟蝗害稼知縣藍森禱于鳴山蝗滅舊志

十四年丙申秋七月大水公私廬舍漂蕩殆盡舊志

宣德八年癸丑大水壞廬舍溪谷易處歲大侵舊志

景泰六年乙亥荒旱荐饑知府姚蒞貴溪勸大姓出所積以助賑據象山書院記補

成化十八年壬寅水暴漲入城浸縣治壞民居數百溺死

無算俱舊志

十一年戊午三月雨雹形如馬頭鄉北橫十里縱六七十里居民屋樹鳥獸俱傷

十四年辛酉十月雨麥以上俱舊志

貴溪縣志

卷二十七

祥異

三

十六年元旦昧爽廣信有星流于東北豫章書

十八年乙丑九月十三日夜地震居民房屋皆有聲郡志

正德二年夏四月不雨至冬十月通志

九年甲午八月朔晝晦星見雞犬驚鳴通志

十三年戊寅大水知縣范永鑾親歷各處勘澇是年義井水溢如沸襍

而後止舊志

十六年元日昧爽有星流于東北赤光如帶橫亘不滅者

久之舊郡志

嘉靖元年壬午五月霪雨連漲比成化壬寅水高五尺其
年仍澇傷無黍禾舊郡志

十年辛卯大饑斗米銀數錢

十九年庚子大饑氏掘草根樹皮以食至今年必稱庚子語荒

四十二年癸亥春明倫堂火

四十五年乙丑大饑

隆慶三年己巳大饑

萬曆三年乙亥大饑

五年丁丑九月晦日入時赤氣障天西邊有一星奮光如月彗長數百丈指東南

十年壬午七月朔日食既星見雞犬皆宿

十六年戊子饑疫穀貴與庚子歲同

貴溪縣志

卷二十七

祥異

四

十七年己丑春大疫死者相枕籍至不相收夏五月不雨至秋八月歲大饑

十九年辛卯六月潭灣水湧至儒學門內一連三次自戊子至辛卯饑疫四年

三十一年癸卯秋七月朔風雹異常拔木隕穀壞西門城樓儒學前牌坊二五里牌牌坊一

三十二年甲辰冬十一月初九日戌時地震居民房屋有聲如倒塌聞於數百里

三十七年己酉夏五月溪水暴漲薊南冲沒五百七十餘家溺死人無算又沙石衝堰田六千三百八十餘畝

知縣錢□

偉單騎至各都踏勘施棺掩骨賑受
災之民復勸開懇陞報三年復舊

四十一年癸丑八月朔日寅時地震有聲

四十七年六月彗星出東方形如刀戟中出戍沒

天啓二年癸亥大水河流冲激汨至城櫓以上俱舊志

崇禎九年丙子歲大饑鄉北居民廖汝貴等糾眾搶奪計鄉南附近饑民千餘真人張顯庸計

口周之舊志

國朝

順治三年丙戌大旱夏五月至秋七月不雨

四年丁亥大饑三月嚴霜大降三日麥菜盡無斗米一兩

殍殮滿道

貴溪縣志

卷二十七

祥異

五

康熙九年庚戌冬十二月積雪浹旬厚深五尺人畜多凍

死

十年辛亥大饑撫憲題准捐免錢糧十分之三仍請賑濟銀米本府大守高親詣分給民沾實惠賴

以存活

十七年戊午大旱自夏迄秋雨澤不降禾稻無收

十八年己未旱歲大禔

二十五年丙寅四月二十四至二十七大雨不止大河漲

溢水冒入城深五尺餘居民漂沒無算南城盡圮巡撫借

省倉南漕二萬石親臨賑濟

三十八年己卯五月二十八大水傷沿河禾稼以上俱舊志

四十一年癸未秋旱次年甲申米價陡貴饑號載道

四十九年庚寅閏七月二十三日微雨上清羅塘二溪蛟

雨暴漲數丈漂沒民居羅塘尤甚

五十九年辛丑大旱自五月至八月不雨晚禾盡稿米價

騰貴

雍正六年戊申夏秋旱

十一年癸丑秋鄉南大疫

乾隆五年庚申

前志誤作己未

秋七月牛疫冬愈甚次年春乃漸

息

七年壬戌秋晚穡盡白

貴溪縣志

卷二十七

祥異

六

八年癸亥春穀價騰涌民採草根掘白土為食

知縣彭之錦多方籌

濟並勸諭富戶出糶詳請上憲給匾獎勵是年他處多有饑民搶奪者惟貴溪境內帖然其冬彗星出東方

九年甲子夏旱秋大水

十一年丙寅正月大雪樟木橙柚盡凍折

十二年丁卯大雨四日河漲水入城及市街米大貴

以上俱舊

志

十四年己巳四月初二南鄉大雨昌平至上清高數丈溺

死男女無數

知縣華西植踏勘賑濟見朱雲駿記

附朱雲駿記 平乾隆十四年己巳夏四月貴溪西南境水溢自昌平至上清鎮漫衍及安仁界周環百餘

里溺死男女若千口漂壞田廬器物無昇時邑令華公適赴省得報具狀白上憲星夜旋邑出時邑令發

帑所經畫田視其災者覈實發賑以少稽於淵者佐其殮
費不遑寧止家至戶給吏絕中飽得免於溝瘠其不幸
請蠲賦屋廬漂沒者有給公於焦心勞思不夜
涉甚死者掩埋有費不至暴露公之德為莫大乃次
其顛末俾凡長民者脫不幸而遇災疹得推行焉

十一年冬牛疫

十六年辛未夏大旱米價六兩

十八年癸酉夏五月至九月不雨

以上俱據廣豐志增

按廣豐游令惠里記載乾隆十六十八等年江右東

數郡米價騰涌是信屬七邑皆然矣故增入以上俱舊志

三十年乙酉大饑斗米足錢三百文

舊志

嘉慶十八年癸酉六月初二日傾盆大雨逾時不止山水

貴溪縣志

卷二十七

祥異

七

陡發洪濤巨浸由瀘閩界直達上清而下衝埧田畝漂沒

廬舍而魚塘地方為尤甚有闔家男婦大小淹斃者增

附載壽登百歲五世同堂

江登科字士行生于萬歷二十三年至康熙三十七年百

歲邑令張鵬翼給匾優獎壽至百有四歲乾隆元年

旌表

按舊志旌表下無建坊字樣坊表類內亦無江登科百歲坊所謂旌表究不知何指姑存之以俟考

徐氏鷹潭桂時文妻年百歲雍正十二年建坊

旌曰貞壽之門

薛義孫南鄉漸浦人年百歲乾隆十五年詳請建坊

旌曰昇平人瑞

以上見舊志

吳資臣生于康熙元年至乾隆二十七年壽登百歲知府
滿給 盛世休徵匾及四代兒孫繞膝聯何獎之

錢氏西源蕭定文妻年登百歲乾隆四十年有司 題請

建貞壽坊俱舊志

何德長石嶺人乾隆五十六年壽登百歲五代同堂奉

旨建昇平人瑞坊增

畢仲勳鈔田人乾隆六十年壽登百歲奉

旨建昇平人瑞坊是年 恩例賞給六品頂戴增

詹珩鷹潭人嘉慶十四年以年百歲奉 旨建昇平人瑞坊增

何子章石嶺人乾隆四十九年有司以五代同堂給額優獎

貴溪縣志

卷二十七

祥異

八

蕭李氏鄉南六十二都蕭壘妻以三子惇典廣西昭平典

歲五代同堂奉禮部按例賞銀玖兩緞壹疋并給黃耆

繁衍匾額陞任郡伯王邑令段俱給詩獎王詩有週甲甲

吳鑑十五都二畝監生同妻邱氏俱年逾九十五代同堂

璩甯氏江澣山璩安遠之妻乾隆五十三年壽登百歲邑

令鄭高華給萱齡十度額獎 黃董氏大田舉人黃炎之

妻年登九十五代同堂 龔晁氏理源生員龔楚來之妻

年登八十五代同堂 應黃氏在市二畝監生應有文之

妻年七十五歲時五代同堂增

以上或年踰期頤或慶衍曾元均屬 盛世瑞應從

前合例時失於呈明茲始赴局補報例得備紀於後

貴溪縣志

卷二十七

祥異

九